

STATUTI  
I SHOQERISE PRIVATE ME PERGJEGJESI TE KUFIZUAR  
**Digital Tech Solution SH.P.K.**

Shoqëria tregtare private me përgjegjësi të kufizuar **Digital Tech Solution SH.P.K.**, që këtu e më poshtë do të quhet "Shoqëria", zotërohet nga ortaku:

Arsen Memaj, i datëlindjes 06.07.1990, shtetas shqiptar, lindur në Shkoder, Bashkia Shkodër, Qarku Shkodër dhe banues në Lagjen Kongresi i Permetit, Rruga Myzafer Pipa, Shkodër, i cili identifikohet me karte identiteti me numër personal J00706119H; nr.letërnjoftimi/card no BR2567194;

i cili në përputhje me vullnetin e tij të lire dhe të plote miratoj statutin e shoqërisë **Digital Tech Solution SH.P.K.**, në bazë të parimeve të mëposhtme:

KAPITULLI I  
EMRI, FORMA, BAZA JURIDIKE,  
SELIA, TERRITORI

NENI 1  
FORMA DHE EMRI

1.1 Shoqëria ka formën e shoqërisë me përgjegjësi të kufizuar, me initiale Sh.P.K., të cilat vijnë përpara ose menjëhere pas emrit të shoqërisë. Kjo shoqëri i përballon humbjet deri në kufirin maksimal të vlerës së kontributit të ortakëve në kapitalin themeltar të shoqërisë.

1.2 Emri i shoqërisë është **Digital Tech Solution SH.P.K.**, Forma dhe emri i shoqërisë mund të ndryshohen me vendim të asamblese së përgjithshme të ortakëve.

NENI 2  
BAZA LIGJORE

Shoqëria është themeluar dhe do të funksionojë në përputhje me Ligjin Nr. 9723, datë 03.05.2007 dhe Ligjin Nr. 9901, datë 14.04.2008 në përputhje me legjislacionin shqiptarë në përgjithsi, në përputhje me aktet e shoqërisë si dhe në përputhje me marrëveshjet ndërkombetare të ratifikuara dhe që do të ratifikohen në të ardhmen nga Republika e Shqipërisë.

NENI 3  
SELIA

Selia e shoqërisë është në adresën Lagjja Kongresi i Permetit, Rruga Myzafer Pipa, pallati 998, Shkoder.

Me adresën e mësipërme do të identifikohet qendra e personit juridik. Me vendim



të asamblese së ortakeve mund të hapen degë, filiale, agjensi ose përfaqësi brenda territorit të Republikës së Shqipërisë sipas fushave në të cilat e ushtron veprimtarine shoqëria.

#### NENI 4 TERRITORI

4.1 Shoqëria e zhvillon aktivitetin e saj lirisht si brenda ashtu edhe jashtë territorit të Republikës së Shqipërisë.

4.2 Shoqëria mund të krijojë zyra ose përfaqësi të saj brenda dhe jashtë territorit të Republikës së Shqipërisë. Zyra, Filiale ose përfaqësite e shoqërisë jashtë territorit të Republikës së Shqipërisë do të krijohen dhe do të zhvillojnë veprimtarine e tyre në përputhje me legjislacionin e vendeve përkatëse.

#### KAPITULLI II OBJEKTI DHE KOHEZGJATJA E SHOQERISE

#### NENI 5 OBJEKTI I VEPRIMTARISE

5. Shoqëria **Digital Tech Solution SH.P.K.**, është e organizuar në formën e një shoqërie të tregtimit në të gjithë komponentët e saj dhe ka si objekt kryesor të veprimtarisë së saj:

5.1 "Prodhimi, shitja dhe asistenca e software dhe rrjeteve informatike, mbajtja, riparimi dhe marrja me qira e pajisjeve dhe mjeteve elektronike për perpunimin e të dhenave; menaxhimi i qendrave të perpunimit të të dhenave dhe të rrjeteve informatike të çdo lloji; menaxhimi i kurseve për informatikë dhe organizim të ndermarrjes; tregëtim me shumicë dhe pakicë, përfshirë ato elektronik, të pajisjeve dhe objekteve, hardware, aksesoret e tyre, mobilje dhe pajisjet për zyra, software, me dhe pa depozite për shitjen e software, rrjeteve informatike, hardware dhe objekteve në përgjithësi për perpunimin e të dhenave si dhe shërbimeve të lidhura me to. Zhvillim software, platforma dixhitale, e-commerce. Lidhur me aktivitetin e përmendur më sipër, në përputhje me legjislacionin në fuqi, mbetet e kuptuar se detyra të tilla profesionale do t'i ngarkohen drejtpërdrejt profesionistëve, rregullisht të aktivizuar në varesi të rastit, nën përgjegjësi të tyre. Shoqëria mund të punësojë dhe të pranojë agjenci, komisione, përfaqësim dhe mandatim. Përgatitja dhe mirëmbajtja e faqeve të internetit, ofrim domain-esh, shërbime web hosting, shërbimeve të telekomunikacionit, përgatitja dhe mirëmbajtja e rrjeteve sociale në internet si dhe marketing online, mirëmbajtja dhe riparimi i kompjuterave dhe rrjeteve të komunikimit si dhe shërbime të tjera informatike. Hartim dhe implementim projektesh në fushën e teknologjisë së informacionit. Zhvillim. software, platforma dixhitale, e-commerce dhe shitja e programeve kompjuterike për përdorim në

fusha te ndryshme. Ofrimi i sherbimeve te ndryshme informatike ne fushen e teknologjise se informacionit. Sherbime marketing ne fushen e monitorimit te medias elektronike dhe te shkruar, perpunime statistikore, Publikime, dhenie informacioni online, media te shkruara, media audio-vizive, sherbime ne fushen e perkthimit etj. Konsulenca ne lidhje me aplikimin e teknologjise se informacionit ne fusha te ndryshme. Importimi dhe shitja e hardware-ve per perdorim ne fushen e teknologjise se informacionit. Shoqeria do te kryeje pa kufizim cdo aktivitet tjeter te lejueshem nga legjislacioni ne fuqi edhe pse jo i permendur ne kete akt.

5.2 Me qëllim arritjen e objektit të saj, shoqëria me vendim të organit kompetent, mund të zotëroje në mënyre të drejtpërdrejte apo të tërthortë pjesëmarrje në shoqëri apo ndërmarrje të tjera, shqiptare apo të huaja, të cilat kanë objekt të njëjtë, të ngjashëm apo ndihmës me të. Pjesëmarrja në shoqëri që për llojin e tyre nuk ofrojnë përgjegjësi të kufizuar, miratohet paraprakisht nga asambleja e ortakëve.

## NENI 6 KOHEZGJATJA

Shoqëria zhvillon aktivitetin e saj për një afat të papërcaktuar në kohë, duke filluar nga data e regjistrimit në organin kompetent. Shoqëria priset dhe kalon në procedure likuidimi me vendim të asamblese së ortakëve, si dhe në rastet e tjera të parashikuara në ligj.

## KAPITULLI III

### LIBRI I SHOQERISE, KONFIDENCIALITETI, DOKUMENTET E DESTINUARA PER TE TRETET

#### NENI 7 LIBRI I SHOQERISE

Për të saktësuar veprimtarine e vet ekonomike si dhe marredhëniet e punës, shoqëria do të çele librin e vet, i cili do të quhet libri i shoqërisë.

#### NENI 8 KONFIDENCIALITETI

Ortakët e shoqërisë si dhe personat e tjere të pranuar në shoqëri, bien dakord që të mos i ekspozojne asnjë personi të jashtëm informacionet që do të disponojë shoqëria, kontratat që ajo do të lidhe, çdo lloj materiali, si dhe planet ose qëllimet që ajo ka për të ardhmen e saj.

#### NENI 9 DOKUMENTET E DESTINUARA PER TE TRETET

Të gjithë aktet dhe dokumentet që nxirren nga shoqëria dhe të destinuara për të tretët, si letrat, faturat, lajmërimet dhe publikimet e ndryshme etj., duhet të tregojnë lexueshëm emrin e shoqërisë dhe pas tij fjalet “Shoqëri me Përgjegjësi të Kufizuar” ose inicialet “Sh.P.K.”, si dhe emrin e administratorit ose të administratorëve.

#### KAPITULLI IV

##### KAPITALI THEMELTAR, KONTRIBUTET, PJESET DHE TRASFERIMI I TYRE

##### NENI 10

##### KAPITALI THEMELTAR

Kapitali themeltar i shoqërisë është 100,000 Leke (pesëqindmijë), i ndarë në 1(një) pjesë. Kapitali themeltar i shoqërisë zotërohet nga:

Arsen Memaj	<b>100 %</b>
-------------	--------------

Kapitali themeltar i shoqërisë është shlyer tërësisht dhe depozituar në një llogari të hapur në emër të shoqërisë në një nga bankat e nivelit të dytë.

##### NENI 11

##### TE DREJTAT E ORTAKEVE NE LIDHJE ME KAPITALIN

11.1 Zmadhimi dhe zvogëlimi i kapitalit themeltar të shoqërisë kryhet sipas vendimit të asamblese së përgjithshme të ortakeve, me shumicën e (tre të katërtave) të kuotave të kapitalit themeltar të shoqërisë.

11.2 Përgjegjësia e ortakeve për detyrimet e shoqërisë shtrihet deri në vlerën e kontributit të tyre në kapitalin e saj themeltar.

11.3 Kuotat e kapitalit të shoqërisë mund të rëndohen lirisht me barrë siguroese apo të drejta të tjera reale. Në rast shitje të kuotave të kapitalit themeltar të shoqërisë për efekt zbatimi të një vendimi gjyqësor apo përmbushje të një detyrimi, enti që ekzekuton vendimin ose detyrimin (zyra permbarimore ose ndonjë organ tjetër kompetent), duhet të ketë në konsideratë respektimin e kërkesave të nenit 14 të këtij statuti. Secili ortak që rëndon me barrë apo të drejta të tjera reale kuotat e tij, ka detyrimin të shpjegojë nënën 14 të këtij statuti subjektin në favor të cilit vendoset barra siguroese.

11.4 Secili ortak ushtron të drejtat pasurore të parashikuara nga ligji në proporcion me kuotat e pjesëmarrjes në kapital.

11.5 Ortakët që nuk marrin pjesë në administrimin e shoqërisë kanë të drejtë t'i kërkojnë organit administrativ informacione mbi aktivitetin e shoqërisë, si dhe të konsultojnë dokumentet kontabël e dokumentet e tjera që lidhen me administrimin e saj.

NENI 12  
FUSHA E AUTORITETIT TE ORTAKUT

Fusha e autoritetit të ortakëve, përqindja e fitimeve ose humbjeve do të kenë sikriter bazë kontributin e çdo ortaku ne kapitalin e shoqërisë, si dhe kompetencat qëgëzon ortaku në marrjen e vendimeve të çdo karakteri, të përcaktuar në këtë statut.

NENI 13  
FINANCIMI I SHOQERISE

13.1 Organi administrativ, në përputhje me dispozitat ligjore në fuqi, ka të drejtë të kërkojë nga ortakët fondet e nevojshme për arritjen e objektit të shoqërisë.  
13.2 Financimet e mëtejshme të ortakëve do të jenë me shpërblim (interesa) apo pa shpërblim, në varësi të titullit nepërmjet të cilit jepen këto fonde.

NENI 14  
LENIA DHE TRASFERIMI I PJESEVE TE KAPITALIT

14.1 Kapitali themeltar i shoqërisë ose pjesë të tij mund të trasferohen lirisht mes ortakëve të shoqërisë. Kapitali themeltar i shoqërisë ose pjesë të tij mund të trasferohen tek persona të tretë vetëm pasi ortakët e shoqërisë në përputhje me dispozitat e legjislacionit shqiptar zyrtarisht kanë refuzuar ushtrimin e të drejtës sëparablerjes.

14.2 Trasferimi i kapitalit themeltar të shoqërisë ose i pjeseve të tij tek persona të tretë bëhet vetëm në këtë menyrë:

- Oferta për shitje u drejtohet të gjithë ortakëve me shkrim;
- Oferta duhet të përcaktoje numrin e kuotave që shiten dhe çmimin e tyre; Nëse ortakët e shoqërisë brenda tre muajsh nga oferta me shkrim nuk pranojnëblerjen e kuotave të ofruara me çmimin e kërkuar, atehere ata konsiderohet se lejojnëshitblerjen tek të tretët.

14.3 Kapitali themeltar është lirisht i trashgueshëm në rrugë trashigimie. Bashkshorti, paraardhesit mund të bëhen ortakë nepërmjet transferimit të pjesëve të kapitalit themeltar sipas kushteve që lejohen në ligj.

14.4 Trasferimet e pjesëve të kapitalit themeltar duhet të vertetohen me akt noterial dhe të depozitohen në organin kompetent.

KAPITULLI V  
ORGANET DREJTUESE DHE ADMINISTRIMI I SHOQERISE

NENI 15  
ORGANET DREJTUESE



15.1 Organet drejtuese të shoqërisë do të jenë asambleja e ortakëve dhe administratori. Për efekt të ndryshimeve që mund tëpësojë shoqëria në të ardhmen dhe shtimit të numrit të ortakëve, këtu e në vazhdim organit zotërues të kuotave të kapitalit themeltar të shoqërisë do ti referohemi me termin Asamble e Ortakëve.

15.2 Shoqëria mund të emërojë më shumë se një administrator. Në çdo rast, kur termi "Administrator" përdoret për të përcaktuar administratorin e shoqërisë **Digital Tech Solution SH.P.K.**, ky term nënkupton të gjithë administratorët e saj sado qofshin këta në numer.

15.3 Përveç organeve të parashikuara më sipër asambleja e ortakëve mund të krijojë edhe organe të tjera drejtuese, në aktet e krijimit të këtyre organeve do të përcaktohen kohëzgjatja dhe kompetencat e tyre.

15.4 Administrator i shoqërisë për një periudhë 5 (pesë) vjeçare është emëruar **Arsen Memaj**, i datëlindjes 06.07.1990, shtetas shqiptar, lindur në Shkodër, Bashkia Shkodër, Qarku Shkodër dhe banues po në Shkodër, J00706119H; nr.letërnjoftimi/card no BR2567194;

## KAPITULLI VI ASAMBLEJA E ORTAKEVE

### NENI 16 VENDIMET E ASAMBLESE TE ORTAKEVE

16.1 Asambleja e ortakëve vendos për çështjet që ligji apo ky statut ia rezervon këtij organi, si dhe për çështjet për të cilat, organi administrativ kërkon mendimin apo miratimin e ortakëve.

16.2 Vendimet e zakonshme të asamblesë së ortakëve merren me voten e ortakëve që zotërojnë më shumë se gjysmen e kuotave të kapitalit themeltar, përveç rasteve kur ligji apo statuti kërkon një shumicë të ndryshme.

### NENI 17 KONSULTIMI ME SHKRIM I ORTAKEVE

17.1 Në përputhje me dispozitat e statutit, vendimet e ortakëve mund të merren pas një konsultimi me shkrim që organi administrativ i drejton secilit prej tyre. Në këtë rast, organi administrativ i komunikon ortakëve tekstin e projekt-vendimit që do të merret dhe i kërkon të shprehin vullnetin e tyre në lidhje me këte çështje.

17.2 Vendimet e marra në këte menyrë janë të vlefshme kur vendimi merret nga shumica që ligji apo ky statut kërkon për atë çështje.

### NENI 18 MENYRA DHE VENDI I THIRRJES SE ASAMBLESE SE ORTAKEVE

18.1 Asambeja e ortakëve thirret pranë selisë së shoqërisë, apo në ndonjë vend tjetër brënda apo jashtë Shqipërisë, nepërmjet një njoftimi me shkrim që iu

dërgohet ortakëve nga kryetari i asamblesë së ortakëve dhe/ose organi administrativ.

18.2 Njoftimi i thirrjes së mbledhjes së asamblesë duhet të kryhet 15(pesëmbëdhjetë) ditë përpara datës së mbledhjes dhe duhet të përcaktojë shprehimisht datën, orën, vendin si dhe rendin e ditës. Në rast pamundesie apo mosveprimi nga ana e organit administrativ, mbledhja e asamblese së ortakëve mund të thirret nga esperti kontabël i autorizuar, nëse ka të tillë, ose nga një apo më shumë ortakë, të cilët përfaqësojnë jo më pak se 10% të kapitalit të shoqërisë.

#### NENI 19

#### KRYETARI I MBLEDHJES SE ASAMBLESE SE ORTAKEVE

19.1 Mbledhja e asamblesë së ortakëve emëron kryetarin e asamblesë.

19.2 Kryetari i asamblesë verifikon thirrjen dhe mbledhjen e rregullt të asamblesë së ortakëve, vërteton identitetin apo legjitimitimin e përfaqësuesit të ortakëve dhe drejton zhvillimin e rregullt të mbledhjes.

#### NENI 20

#### PJESEMARRJA NE VENDIME

Çdo ortak ka të drejten e një vote për cdo kuotë të kapitalit themeltar të shoqërisë që ai zotëron. Një ortak mund të përfaqësohet në mbledhjen e asamblesë nga një ortak tjetër apo nga një person i tretë, nepërmjet një akti përfaqësimi me shkrim.

#### NENI 21

#### KOMPETENCAT E ASAMBLESE SE ORTAKEVE

21.1 Asambleja e ortakëve mund të jetë e zakonshme dhe e jashtëzakonshme, kjo nëvarësi të çështjes për të cilën është thirrur. Vendimet e asamblesë së zakonshme të ortakëve merren vetëm nëse marrin pjesë ortakët me të drejtë vote, që zotërojnë më shumë se 30% të kuotave. Vendimet e asamblesë së jashtëzakonshme të ortakëve merren me një shumicë të cilësuar prej 3/4 të votave të ortakëve të shoqërisë. Për çfarë nuk është pasqyruar në këtë nen, asambleja e ortakëve të shoqërisë vendos në përputhje me Ligjin Nr. 9901, datë14.04. 2008, i ndryshuar.

21.2Kompetencat e asamblesë së zakonshme të ortakëve do të jenë:

- Vendos për perpilimin ose miratimin e rregulloreve për shoqërine apo për fusha e vecanta të veprimtarisë.
- Vendos për ndryshimin e selisë së shoqërisë.
- Vendos për krijimin e zyrave ose të përfaqësive si dhe për krijimin e shoqërive ose të ortakerive me persona të tjere fizike apo juridike.
- Vendos për politiken afariste të shoqërisë dhe përcakton fushat konkrete te veprimtarise së saj.


- Emëron dhe shkarkon administratorin e shoqërisë, ekspertin kontabël, likuidatori duke përcaktuar dhe detajuar kompetencat e tyre, të drejtat, detyrimet, kohëzgjatjen në detyrë, dhe shpërblimin e tyre.
  - Vendos në lidhje me krijimin e organeve të tjera drejtuese që mund ti nevojiten shoqërisë duke përcaktuar në aktet e krijimit të këtyre organeve, kohëzgjatjen dhe kompetencat e tyre, për emerimin e personave drejtues të këtyre organeve.
  - Asambleja e ortakëve marrjen e vendimeve e kryen vetë dhe nuk bën delegimin e vendimarrjes te asnjë organ tjetër. Asambleja e ortakëve vendos edhe në lidhje me krijimin e sektorëve të veçante të veprimtarisë së shoqërisë.
  - Shqyrton dhe miraton bilancin vjetor, përcakton llojin e fondeve të ndryshme dhe masen e tyre, përcaktimin e dividendit, marrjen dhe dhenien e huave, kredive, borxheve.
  - Realizon marrëdhëniet më të rëndësishme ekonomike dhe financiare të shoqërisë me persona të tjerë fizik apo juridik, vendas apo të huaj.
  - Miraton një tabelë për tarifën e shërbimeve të shoqërisë sipas fushave
  - Vendos në lidhje me transferimin e pjeseve të kapitalit themeltar të shoqërisë.
- 21.3 Kompetencat e asamblesë së jashtëzakonshme të ortakëve janë:
- Vendos në lidhje me zmadhimin dhe zvogëlimin e kapitalit themeltar të shoqërisë.
  - Vendos në lidhje me kohëzgjatjen e shoqërisë si dhe për mbarimin e likuidimit të saj.
  - Vendos për ndryshimin e emrit të shoqërisë.
  - Vendos në lidhje me ndryshimin e statutit të shoqërisë.
  - Vendos për ndryshimin e formës, për ndarjen e shoqërisë si dhe përbashkimin e saj me shoqëri të tjera.
- 21.4 Përveç kompetencave të lartëpërmendura, të cilat janë ekskluzive për të, asambleja e ortakëve ushtron çdo kompetencë që ia njihet ligji.
- 21.5 Asambleja e ortakëve në rastet kur nuk ka emëruar administrator, kryen dhe kompetencat që në këtë statut janë përcaktuar për këtë të fundit. Gjithashtu asambleja e ortakëve mund të kufizojë administratorin në ushtrimin e kompetencave të tij.

## NENI 22

### ADMINISTRATORI DHE KOMPETENCAT E TIJ

22.1 Kompetencat e administratorit ose të administratoreve, në mënyrë konkrete dhe të detajuara përcaktohen në aktin e tyre të emerimit. Veç të tjerave që mund të detajohen në këtë akt, administratori ka edhe këto kompetenca:

- Kujdeset për funksionimin e përditshëm normal të shoqërisë ose të një pjese të aktivitetit ekonomik dhe financiar të saj, sipas përcaktimit në aktin e emerimit.
- Përgatit dokumentacionin dhe raportet e ndryshme për gjendjen ekonomike dhe financiare të shoqërisë sipas legjislacionit në fuqi dhe ia paraqet asamblese





sëortakëve për shqyrtim.

- Kordinon veprimtarinë e personave të punësuar në shoqëri.
- Ndjek problemet e shoqërisë në marrëdhënie me organet shtetërore ose cakton ndonjë prej personelit për trajtimin e këtyre problemeve.
- I propozon asamblesë së ortakëve tarifat e shërbimeve dhe pagat për personelin e punësuar në shoqëri.
- I propozon asmblesë së ortakëve rregulloren e shoqërisë.
- Administratoret kanë të drejtë të gjithë sëbashku ose veçmas nga njeri tjetri të përfaqësojnë shoqërinë në lidhje me të tretët.

22.2 Administratori ose administratorët janë përgjegjës ndaj shoqërisë ose ndaj të tretëve qoftë për shkelje ligjore, qoftë për shkelje të statutit ose për faje të kryera gjatë ushtrimit të administrimit të shoqërisë. Përgjegjësia është individuale ose solidare, kjo në varësi të rrethanave dhe të mënyrës sesi është vepruar, pra individualisht ose solidarisht.

## KAPITULLI VII

### LIBRAT E SHOQERISE, BILANCI, DIVIDENTET, KONTROLLI KONTABEL

#### NENI 23 KONTROLLI KONTABEL

Kontrolli i jashtëm kontabël i shoqërisë kryhet nga ekspertë kontabël të autorizuar, sipas legjislacionit në fuqi. Asambleja e ortakëve do të emerojë një apo më shumë eksperte kontabël në ato raste kur emerimi i tyre konsiderohet i nevojshëm ose kërkohet në bazë të ligjit.

#### NENI 24 LIBRAT E SHOQERISE

Shoqëria është e detyruar të mbaje, përveç librit të shoqërisë, në të cilin shënohen emrat e plotë të ortakëve dhe kapitali themeltar, si dhe vendimet e asamblesë së ortakëve, edhe dokumentacionin kontabël dhe librat e tjerë.

#### NENI 25 BILANCI DHE REZERVAT

25.1 Bilanci mbyllet në 31 dhjetor të çdo viti. Llogarite vjetore, inventari, raportet mbi operacionet e vitit financiare dhe raportet e hartuara nga eksperti kontabël i autorizuar, i paraqiten për shqyrtim asamblese së ortakëve, e cila vendos mbi miratimin, ndryshimin ose rrezimin e këtyre akteve, kur e konsideron të nevojshme asambleja e ortakëve mund të bëjë rekomandimet e nevojshme në lidhje me çështjenë diskutim.

25.2 Me mbylljen e secilit vit financiar, administratori i vetëm merr masat e

nevojshme per hartimin e projekt-bilancit te aktivitetit per vitin financiar te mbyllur, ne menyre qe asambleja e ortakeve te vendose mbi miratimin apo ndryshimet e mundshme te tij brenda afateve te percaktuara nga ligji.

25.3 Asambleja e ortakeve vendos mbi ndarjen ndërmjet ortakëve të shumave që rezultojne si fitime sipas bilancit të aprovuar rregullisht, pasi nga këto shuma të jenë zbritur humbjet e mundshme të viteve të mëparshme, si dhe të jenë lënë mënjanë shumat e nevojshme për krijimin e rezervës ligjore. Rezerva ligjore krijohet vit pas viti nepërmjet lënies mënjanë të një shume të barabarte me 5 % të fitimit neto të realizuar gjatë secilit vit financiar, deri sa të arrihet një shume e barabartë me 10 % te kapitalit themeltar të shoqërisë.

25.4 Asambleja e ortakëve në çdo moment mund të vendosë krijimin e rezervave të tjera, si dhe masen e tyre.

## KAPITULLI VIII

### MBARIMI DHE LIKUJDIMI I SHOQERISE

#### NEN 26

#### MBARIMI

Shoqëria mbaron me vendim të asamblesë së jashtëzakonshme të ortakeve ose kur ka nje prishje të parakohshme për arsyet e parashikuara në ligj.

#### NENI 27

#### LIKUJDIMI

27.1 Shoqëria hyn në procesin e likujdimit që në momentin e prishjes së saj. Për kryerjen e këtij procesi asambleja e ortakeve cakton një ose disa likujdues, të cilët i paraqesin asaj raportin mbi gjendjen e aktivitetit dhe pasivitetit të shoqërisë, mbi ndjekjen e operacioneve të likujdimit dhe mbi afatin e nevojshëm të përfundimit të tyre.

27.2 Në fund të procesit të likujdimit, asambleja e ortakeve vendos mbi bilancin përfundimtar financiar dhe mbi mbylljen e procesit të likujdimit.

27.3 Mbas pagimit të kreditorëve asambleja e ortakëve mban pjesën e mbetur të kapitalit që u shperndahet ortakëve.

## KAPITULLI IX

### MOSMARREVESHJET DHE DISPOZITA TE FUNDIT

#### NENI 28

#### ZGJIDHJA E MOSMARREVESHJEVE

Çdo mosmarreveshje a konflikt në lidhje me themelimin, regjistrimin, funksionimin dhe likujdimin e kësaj shoqërie, ortakët do të angazhohen se do ta zgjidhin me mirëkuptim, dhe ne rast se kjo nuk arrihet gjykata kompetente për gjykimin e mosmarreveshjeve apo konflikteve të mundshme do të jetë Gjykata e Rrethit


Gjyqësor Shkodër.

NENI 29  
DISPOZITA TE FUNDIT

29.1 Shoqëria do të zhvillojë aktivitetin e saj në përputhje të plotë me këtë statut dhe me ligjin shqiptar. Për sa nuk është parashikuar në këtë statut, do të aplikohen dispozitat e legjislacionit shqiptarë në fushën e shoqërive tregtare si dhe legjislacioni shqiptar në përgjithësi.

29.2 Ky statut është hartuar ne 3 (tre) ekzemplare, në gjuhën shqipe, duke patur secili ekzemplare fuqi tënjëjtë ligjore.

Arsen Memaj



ORTAK I VETËM I SHOQËRISE

Digital Tech Solution **SH.P.K.**


Gjyqësor Shkodër.

NENI 29  
DISPOZITA TE FUNDIT

29.1 Shoqëria do të zhvillojë aktivitetin e saj në përputhje të plotë me këtë statut dhe me ligjin shqiptar. Për sa nuk është parashikuar në këtë statut, do të aplikohen dispozitat e legjislacionit shqiptarë në fushën e shoqërive tregtare si dhe legjislacioni shqiptar në përgjithësi.

29.2 Ky statut është hartuar në 3 (tre) ekzemplare, në gjuhën shqipe, duke patur secili ekzemplare fuqi të njëjtë ligjore.

Arsen Memaj



ORTAK I VETËM I SHOQËRISE

Digital Tech Solution **SH.P.K.**

*Dok.*

03.08.2020